

Na osnovu člana 64. Zakona o visokom obrazovanju Republike Srpske (Sl. Glasnik RS, br. 73/10, 104/11, 84/12, 108/13) i na osnovu člana 31. Statuta Visoke poslovno tehničke škole Doboj, Senat Škole , na sjednici održanoj dana donosi:

ODLUKU
o usvajanju Pravilnika o međunarodnoj saradnji na VPTŠ Doboj

Član 1.

Usvaja se **Pravilnik o međunarodnoj saradnji VPTŠ Doboj**.

Član 2.

Pravilnik o međunarodnoj saradnji VPTŠ Doboj je sastavni dio ove Odluke.

Član 3.

Ova odluka stupa na snagu danom donošenja.

Broj: 052-4/16

Datum:

Senat VPTŠ

Dr Srećko Novaković

БОСНА И ХЕРЦЕГОВИНА
РЕПУБЛИКА СРПСКА
ВИСОКА ПОСЛОВНО ТЕХНИЧКА ШКОЛА
ДОБОЈ



BOSNIA AND HERZEGOVINA
REPUBLIC OF SRPSKA
VISOKA POSLOVNO TEHNIČKA ŠKOLA
DOBOJ

Висока пословно техничка школа, ул.Озренских српских бригада 5А, 74000 Добој, Република Српска, Босна и Херцеговина
Tel: +387 53 208 600, +387 53 208 601, +387 53 208 602, Fax: +387 53 208 600,
e-mail: info@vpts-doboj.info www.vpts-doboj.info

PRAVILNIK O MEĐUNARODNOJ SARADNJI VPTŠ DOBOJ

Doboј, april 2016. godine

Na osnovu člana 64. stav 2. tačka v. Zakona o visokom obrazovanju (sl. Glasnik Republike Srpske br. 73/10 i 104/11, 84/12, 108/13) i člana 31. tačka 3. Statuta Visoke poslovno tehničke škole Doboj, Senat škole na sjednici održanoj .godine, donosi:

PRAVILNIK O MEĐUNARODNOJ SARADNJI VPTŠ DOBOJ

I OPŠTE ODREDBE

Član 1.

Pravilnikom o međunarodnoj saradnji (u daljnjem tekstu: Pravilnik) uređuju se osnovna načela saradnje sa partnerskim visokoškolskim ustanovama (u daljnjem tekstu: VŠU), saradnju sa institucijama i organizacijama koje uspješno razvijaju naučno-istraživačku djelatnost, saradnju u nastavnim planovima i programima studija u prvog ciklusa studiranja, razvoja zajedničkih programa studiranja, mobilnosti dolaznih i odlaznih studenata, naučno-nastavnog i nenastavnog osoblja na Visokoj poslovno tehničkoj školi Doboj (u daljnjem tekstu: VPTŠ Doboj), vrsta i trajanje mobilnosti, postupak prijave, osnovne isprave, prava i obaveze studenata, naučno-nastavnog, i nenastavnog osoblja, kao i druga pitanja vezana za provedbu programa međunarodne saradnje.

Član 2.

Međunarodna saradnja podrazumijeva:

- razvoj saradnje sa partnerskim VŠU-ima,
- razvoj saradnje sa institucijama i organizacijama koje uspješno razvijaju naučno - istraživačku djelatnost,
- razvijati saradnju u nastavnim planovima i programima studija prvog ciklusa studiranja,
- razvijati zajedničke programe studiranja,
- omogućiti studentima da dobiju dvojne diplome, naročito sa afirmiranim europskim VŠU,
- stvaranje uslova u bilateralnim i multilateralnim naučno - istraživačkim programima,
- podršku organiziranja međunarodnih naučnih konferencija kao i učešće naših nastavnika i saradnika u inostranstvu na naučno - stručnim konferencijama,
- podsticanje gostujućih predavanja inostranih profesora,
- podsticanje učešća stranih profesora u pisanju naučnih radova koji će se objavljivati u našim naučno - stručnim časopisima,
- podržati pisanje i objavljivanje naučno - stručnih članaka u priznatim međunarodnim časopisima,
- realizovanje mobilnosti studenata kako u odlasku naših studenata na inostrane VŠU-e tako i dolasku stranih studenata,
- organizacije razmjene profesora, asistenata i drugih naučno - stručnih saradnika, ostvariti razmjenu stručnih časopisa i literatura.

Međunarodna saradnja se razvija kao redovan zadatak nadležnih institucija naročito kroz učešće u međunarodnim projektima a posebno kroz razne programe Europske unije.

Član 3.

Osobe uključene u program međunarodne saradnje dužne su poštovati etički kodeks i propise VPTŠ Doboj i institucija sa kojima ostvaruju saradnju.

Član 4.

Programe međunarodne saradnje na nivou VPTŠ Doboj provodi i administrira Kancelarija za projekte i međunarodnu suradnju VPTŠ Doboj.

Strategiju međunarodne saradnje VPTŠ Doboj stvaraju i provode Senat, Kancelarija za projekte i međunarodnu suradnju VPTŠ Doboj te druge osobe po potrebi.

II DJELATNOST

Član 5.

Kancelarija za projekte i međunarodnu suradnju VPTŠ Doboj osnovana je s ciljem koordinacije aktivnosti i razvoja međunarodnih odnosa s partnerskim VŠU i ostalim univerzitetskim institucijama u Europi i svijetu.

Član 6.

Aktivnosti Kancelarije za projekte i međunarodnu suradnju VPTŠ Doboj su:

- razvoj međunarodnih odnosa s partnerskim VŠU u svijetu,
- razvoj međunarodnih odnosa s institucijama i organizacijama širom svijeta čija aktivnost je vezana za područje visokog obrazovanja i naučno-istraživačkog djelovanja,
- poticanje i koordiniranje procesa mobilnosti studenata, nastavnog, istraživačkog i nenastavnoga osoblja u oba smjera,
- razvoj aktivnosti vezanih uz međunarodne edukativne i istraživačke projekte,
- učešće u izradi i implementaciji istraživačkih projekata međunarodnog karaktera i saradnja u organizaciji međunarodnih konferencija.

Član 7.

Kancelarija za projekte i međunarodnu suradnju VPTŠ Doboj djeluje na sljedećim područjima:

1. Bilateralni sporazumi:

- savjetodavna, administrativna i organizaciona pomoć pri sklapanju ugovora,
- podrška istraživačkim projektima,
- organizacija međunarodnih naučnih konferencija,

2. Mobilnost:

- organizacija studentske razmjene,
- administrativna i organizacijska pomoć stranim studentima na razmjeni na VPTŠ Doboj,
- administrativna i organizacijska pomoć domaćim studentima koji idu u razmjenu na inostrane VŠU,
- organizacija razmjene profesora, istraživača i saradnika,
- organizacijska pomoć pri osiguravanju smještaja za posjete stranih gostiju
- organizacija posjeta VPTŠ Doboj zvaničnika međunarodne zajednice, diplomatskog kora, direktora i rektora inostranih VŠU i rukovodioca istraživačkih i drugih organizacija,
- ažuriranje podataka o realizovanim aktivnostima iz oblasti međunarodne saradnje,
- posredovanje u uspostavljanju partnerskih kontakata vezanih za sudjelovanje u međunarodnim projektima,
- koordinira aktivnosti VPTŠ Doboj i njeno učešće u aktivnostima u organizacijama i mrežama čiji je član, te posredovanje u pripremnim aktivnostima stupanja u članstvo VPTŠ Doboj u nove organizacije i mreže,

- upravljanje naučnim i razvojnim projektima dodijeljenim Kancelariji za projekte i međunarodnu suradnju VPTŠ Doboj.

Član 8.

Članove i predsjednika Kancelarije za projekte i međunarodnu suradnju VPTŠ Doboj imenuje Senat VPTŠ Doboj na period od četiri godine. Kancelarija broji tri člana i direktor VPTŠ Doboj (po funkciji). Na čelu Kancelarije za projekte i međunarodnu suradnju VPTŠ Doboj nalazi se Predsjednik Kancelarije za projekte i međunarodnu suradnju VPTŠ Doboj.

Predsjednik organizuje rad i samostalno rukovodi Kancelarijom i odgovoran je za obavljanje slijedećih poslova:

- Rukovodi i koordinira aktivnostima na nivou VPTŠ Doboj koje se tiču utvrđivanja Strategije razvoja međunarodne saradnje VPTŠ Doboj i njenom implementacijom;
- Prati realizaciju, predlaže i poduzima mjere za poboljšanje infrastrukture naučnoistraživačkog rada u oblasti međunarodne kooperacije;
- Na nivou VPTŠ Doboj prati i koordinira realizaciju zaključenih sporazuma iz oblasti naučno istraživačkih, istraživačko-razvojnih i drugih projekata;
- Istražuje i iznalazi mogućnosti za apliciranje VPTŠ Doboj na različite naučno-istraživačke, istraživačko-razvojne i druge projekte u okviru međunarodne saradnje i o tome pruža adekvatne i blagovremene informacije;
- Preduzima radnje u svrhu stvaranja uslova za stimulisanje mladih istraživača, sa ciljem njihovog akademskog napredovanja i optimalnog osposobljavanja za uključenje u realizaciju međunarodne saradnje kroz naučno-istraživačke, istraživačko-razvojne i druge projekte;
- Kreira i preduzima adekvatne aktivnosti, uključujući i sačinjavanje i podnošenje odgovarajućih prijedloga nadležnim organima VPTŠ Doboj kojima se unapređuje međunarodna saradnja u cilju doprinosa za optimalno korištenje postojećih znanja i njihove osavremenjene primjene u svim oblicima nastavnog i naučnog djelovanja;
- Preduzima aktivnosti i mjere na nivou VPTŠ Doboj radi uspostavljanja optimalne i poželjne saradnje sa drugim VŠU-ima u zemlji i inostranstvu;
- Inicira i koordinira na nivou VPTŠ Doboj izradu, usvajanje i implementaciju planova i programa stručnog usavršavanja nastavnika i saradnika na drugim univerzitetima u zemlji i inostranstvu;
- Preduzima sve potrebne aktivnosti i mjere na nivou VPTŠ Doboj kojima se obezbjeđuju uslovi za naučne i stručne kontakte koji za cilj imaju razmjenu naučno-nastavnih kadrova i studenata;
- Uspostavlja saradnju sa ambasadama stranih zemalja u cilju realizacije interesa VPTŠ Doboj u oblasti nastavno-naučnog i istraživačkog procesa;
- Inicira i koordinira na nivou VPTŠ Doboj aktivnosti i mjere, uključujući i prijedloge nadležnim organima, koje su usmjerene na uspostavljanje saradnje u zajedničkim projektima sa VŠU u zemlji i inostranstvu;
- Predlagač je opštih i pojedinačnih pravnih akata, koji su u vezi sa međunarodnom saradnjom;
- Realizira mobilnost studenata i akademskog osoblja;
- Najmanje jednom godišnje podnosi izvještaj o svom radu Direktor i Senatu;
- Učestvuje u pripremi sjednica Senata;
- Obavlja i druge poslove koji po svojoj prirodi spadaju u nadležnost Kancelarije za projekte i međunarodnu suradnju VPTŠ Doboj i po nalogu direktora.

III MOBILNOST

Član 9.

Mobilnost studenata odnosi se na studiranje na instituciji domaćinu nakon čega se student vraća na matičnu instituciju i nastavlja upisani studijski program. Mobilnost studenata uključuje studijski boravak ili stručnu praksu u sklopu redovitog dodiplomskog, diplomskog i postdiplomskog studija (doktorskog ili specijalističkog) na instituciji domaćinu.

Mobilnost studenata se ostvaruje u okviru institucionalnog sporazuma.

Član 10.

Mobilnost nastavnog osoblja odnosi se na boravak zaposlenika matične institucije (u daljnjem tekstu: osoblje) na instituciji domaćinu nakon koje se zaposlenik vraća na matičnu instituciju.

Nastavno osoblje u mobilnosti uključuje:

1. osobe zaposlene na osnovu ugovora o radu na VPTŠ Doboj i njegovim organizacijskim jedinicama u zvanjima: naučno-nastavno, umjetničko-nastavno, naučno, nastavno, saradničko zvanje asistenta (sve obuhvaćeno pojmom naučno-nastavno osoblje),
2. nenastavno osoblje (stručno i administrativno osoblje) zaposleno na osnovu ugovora o radu na VPTŠ Doboj.
3. spoljni saradnici koji su zaposleni na osnovu ugovora o djelu na VPTŠ Doboj ne ispunjavaju uslove za mobilnost i finansijsku podršku u svrhu boravka na inostranoj visokoškolskoj instituciji.

IV ZAVRŠNE ODREDBE

Član 11.

Ovaj Pravilnik stupa na snagu danom usvajanja od strane Senata VPTŠ Doboj.

Broj:

Datum:

Predsjednik Senata

Dr Srećko Novaković